

## 植树古诗大全50首

1.  
是处荒山欲接天，土膏如面草如毡。及时便种松杉子，远计收功只十年。  
。——陈宓《安溪劝农诗·劝种植》
2.  
故人具鸡黍，邀我至田家。绿树村边合，青山郭外斜。开轩面场圃，把酒话桑麻。待到重阳日，还来就菊花。——孟浩然《过故人庄》
3.  
梧桐相待老，鸳鸯会双死。贞妇贵殉夫，舍生亦如此。波澜誓不起，妾心古井水。——孟郊《烈女操》
4.  
要知西掖承平事，记取刘郎种竹初。旧德终呼名字外，后生谁续笑谈余。  
。成阴障日行当见，取笋供庖计已疏。白首林间望天上，平安时报故人书。  
。——苏轼《次韵刘贡父西省种竹》
5.  
一树衰残委泥土，双枝荣耀植天庭。定知玄象今春后，柳宿光中添两星。  
。——白居易《诏取永丰柳植禁苑感赋》
6.  
南轩有孤松，柯叶自绵幂。清风无闲时，潇洒终日夕。阴生古苔绿，色染秋烟碧。  
。何当凌云霄，直上数千尺。——李白《南轩松》
7.  
一双幽色出凡尘，数粒秋烟二尺鳞。从此静窗闻细韵，琴声长伴读书人。  
。——李群玉《书院二小松》

8.  
曲湖连曲接平芜，前事因循好叹吁。不见有源堪畎凿，便来此地费工夫。  
蛙能聚响难停息，莲本含香旧已无。夹岸近教多种柳，少延春色向城隅。  
——张咏《曲湖种柳》

9.  
怜君孤秀植庭中，细叶轻阴满座风。桃李盛时虽寂寞，雪霜多后始青葱。  
一年几变枯荣事，百尺方资柱石功。为谢西园车马客，定悲摇落尽成空。  
——李商隐《题小松》

10.  
茅檐长扫净无苔，花木成畦手自栽。一水护田将绿绕，两山排闥送青来。  
——王安石《书湖阴先生壁》

11.  
种树皆待春，春至难久留。君看朝夕花，谁免离别愁。心意已零落，种  
之仍未休。胡为好奇者，无事自买忧。——孟郊《观种树》

12.  
十年生计在，此意与谁论。取次青垂槛，方将绿映门。无心藤倚树，转  
盼叶归根。留得庭前柏，清阴付子孙。——成鹫《山居杂咏·种树》

13.  
种竹应须我辈人，茅檐对此可忘贫。欹风带雨看无厌，淡夜寒绡画不真。  
青女侵袭余瘦节，箨龙盘屈更分身。会裁一管招鸣凤，千亩何须羨渭滨。  
——刘子翥《次韵温其种竹诗》

14.  
参天榕树绿婆娑，拥砌名花五色多。恨少悬珠如斗大，春来急植树波罗。  
——梁维栋《山阁杂咏·其三》

15.  
夭桃太繁媚，清瘦却怜梅。酌此二妙质，为君出奇开。酿作千日酒，高  
仙下崔嵬。——陈宓《题傅侍郎寒碧十五韵-种杏》

16.

斜阳照墟落，穷巷牛羊归。野老念牧童，倚杖候荆扉。雉雊麦苗秀，蚕眠桑叶稀。田夫荷锄至，相见语依依。即此羡闲逸，怅然吟式微。——王维《渭川田家》

17.

无论海角与天涯，大抵心安即是家。路远谁能念乡曲，年深兼欲忘京华。忠州且作三年计，种杏栽桃拟待花。——白居易《种桃杏》

18.

幽居玩芳物，自种两芭蕉。空山夜雨至，滴滴复萧萧。凉叶泛朝露，芳心展夕飏。东堂日虚静，秀色慰无聊。——张耒《种芭蕉》

19.

亭亭山上松，瑟瑟谷中风。风声一何盛，松枝一何劲！冰霜正惨凄，终岁常端正。岂不罹凝寒？松柏有本性。——刘桢《赠从弟》

20.

谁种萧萧数百竿？伴吟偏称作闲官。不随天艳争春色，独守孤贞待岁寒。声拂琴床生雅趣，影侵棋局助清欢。明年纵使量移去，犹得今冬雪里看！——王禹偁《官舍竹》

21.

三千稚翠绕池亭，他日摩挲考岁星。为语邦人须耐久，春红何必似冬青。——李石《眉州郡圃种稚柏三千》

22.

南天春雨时，那鉴雪霜姿。众类亦云茂，虚心宁自持。多留晋贤醉，早伴舜妃悲。晚岁君能赏，苍苍劲节奇。——薛涛《酬人雨后玩竹》

23.

世味年来薄似纱，谁令骑马客京华。小楼一夜听春雨，深巷明朝卖杏花。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

24.

石田虞芮接，种树白云阴。穴闭神踪古，河流禹凿深。樵人应满郭，仙鸟几巢林。此会偏相语，曾供雪夜吟。——马戴《集宿姚侍御宅怀永乐宰殷侍御》

25.

野人闲种树，树老野人前。居止白云内，渔樵沧海边。呼儿采山药，放犊饮溪泉。自著养生论，无烦忧暮年。——马戴《过野叟居》

26.

夹水芙蓉密密栽，缘溪斜立照溪开。放教十里红将去，不尽溪流不要回。——杨万里《南溪上种芙蓉》

27.

大将筹边尚未还，湖湘子弟满天山。新栽杨柳三千里，引得春风渡玉关。——杨昌浚《恭诵左公西行甘棠》

28.

箫声咽，秦娥梦断秦楼月。秦楼月，年年柳色，灞陵伤别。乐游原上清秋节，咸阳古道音尘绝。音尘绝，西风残照，汉家陵阙。——李白《忆秦娥》

29.

独绕虚斋径，常持小斧柯。幽阴成颇杂，恶木剪还多。枸杞因吾有，鸡栖奈汝何。方知不材者，生长漫婆娑。——杜甫《恶树》

30.

无言独上西楼，月如钩。寂寞梧桐深院锁清秋。剪不断，理还乱，是离愁。别是一般滋味在心头。——李煜《相见欢》

31.

草堂少花今欲栽，不问绿李与黄梅。石笋街中却归去，果园坊里为求来。——杜甫《诣徐卿觅果栽》

32.

高松出众木，伴我向天涯。客散初晴后，僧来不语时。有风传雅韵，无雪试幽姿。上药终相待，他年访伏龟。——李商隐《高松》

33.

弱植不盈尺，远意驻蓬嬴。月寒空阶曙，幽梦彩云生。粪壤擢珠树，莓苔插琼英。芳根閼颜色，徂岁为谁荣。——柳宗元《新植海石榴》

34.

闲居少邻并，草径入荒园。鸟宿池边树，僧敲月下门。过桥分野色，移石动云根。暂去还来此，幽期不负言。——贾岛《题李凝幽居》

35.

长养待春晖，他年尽百围。疏形容远岫，密意护柴扉。众鸟欣所托，暮鸦寒未归。粉榆故乡物，相见更依依。——蒋春霖《种树》

36.

柳州柳刺史，种柳柳江边。谈笑为故事，推移成昔年。垂阴当覆地，耸干会参天。好作思人树，惭无惠化传。——柳宗元《种柳戏题》

37.

本因遮日种，却似为溪移。历历羽林影，疏疏烟露姿。萧骚寒雨夜，敲劔晚风时。故国何年到，尘冠挂一枝。——杜牧《栽竹》

38.

江州司马日，忠州刺史时。栽松满后院，种柳荫前墀。彼皆非吾土，栽种尚忘疲。况兹是我宅，葺艺固其宜。——白居易《春葺新居》

39.

柳州柳刺史，种柳柳江边。谈笑为故事，推移成昔年。垂荫当覆地，耸干会参天。好作思人树，惭无惠化传。——柳宗元《种柳戏题诗》

40.

石栏沙路雨声干，为欠萧萧一两竿。深带土膏从地底，暝移茅屋过江干

。方于辰日依时种，影待晴天拂翠看。试倚蓬窗听疏密，布袍沾尽不知寒。——李东阳《风雨种竹》

41.

种树临溪流，开亭望城郭。当年孟张辈，载酒来行乐。斯人久埃灭，节物今犹昨。看取不言华，春风自相约。——贺铸《历阳十咏之九桃花坞》

42.

花时风日美新晴，北汧南垞迤邐行。春色酣酣熏我醉，年光袞袞叹人生。竹林背水题将遍，石笋穿沙坐欲平。客问定山何所有，满山红紫数声莺。——陈宪章《次韵定山先生种树》

43.

幽谷青青树，移根倩尔栽。祇疑荆棘地，不称栋梁材。岂为岁寒改，稍看春色回。清阴惟海国，回首思悠哉。——许景衡《种树》

44.

重过闾门万事非，同来何事不同归？梧桐半死清霜后，头白鸳鸯失伴飞。原上草，露初晞。旧栖新垅两依依。空床卧听南窗雨，谁复挑灯夜补衣？——贺铸《鹧鸪天》

45.

移家虽带郭，野径入桑麻。近种篱边菊，秋来未著花。扣门无犬吠，欲去问西家。报道山中去，归时每日斜。——僧皎然《寻陆鸿渐不遇》

46.

窗前谁种芭蕉树？阴满中庭，阴满中庭，叶叶心心，舒卷有余情。——李清照《添字采桑子·芭蕉》

47.

空山寂寂朋游少，为爱风姿手自栽。九十日秋犹暖热，一枝谢又一枝开。——方蒙仲《手种芙蓉入秋盛开》

48.

庭前树尽手中栽，先后花分几番开。巢鸟恋雏惊不起，野人思酒去还来。  
自抛官与青山近，谁讶身为白发催。门外寻常行乐处，重重履迹在莓  
苔。——李频《题张司马别墅》

49.

种竹交加翠，栽桃烂熳红。经心石镜月，到面雪山风。赤管随王命，银  
章付老翁。岂知牙齿落，名玷荐贤中。——杜甫《春日江村》

50.

孤山寺北贾亭西，水面初平云脚低。几处早莺争暖树，谁家新燕啄春泥。  
乱花渐欲迷人眼，浅草才能没马蹄。最爱湖东行不足，绿杨阴里白沙  
堤。——白居易《钱塘湖春行》

本文链接：<https://duanjuziku.com/duanjuzi/8u9fmxvvs.html>